



# CONCLVSIONES

EX VNIVERSA PHILOSOPHIA

*I V X T A*

D. THOMÆ AQVINATIS  
SENTENTIAM

*ADMODVM REVERENDO P. MAGISTRO*

F. CAROLO GVCCI  
PROVINCIALI ROMANO

*ORDINIS PRÆDICATORVM*

Atque Regiæ Celsitudinis Magni Erruriæ Ducis, necnon  
Pifarum Vniuersitatis Teologo.

F. COSMAS IOSEPH CHIOCCHETTI

*L V C E N S I S*

ORDINIS PRÆDICATORVM



D. D. D.

FLORENTIÆ MDCCI.

---

Apud Cæsarem, de Bindis. Sub Signo S. Bernardi.  
*SVPERIORVM PERMISSV.*

THE UNIVERSITY OF CHICAGO

LIBRARY

1101 EAST 58TH STREET

CHICAGO, ILL.

1950

1000 010 1100

1100 1100 1100

1100 1100 1100

1100 1100 1100

1100 1100 1100

1100 1100 1100

1100 1100 1100

1100 1100 1100

1100 1100 1100

1100 1100 1100

1100 1100 1100

1100 1100 1100

1100 1100 1100

1100 1100 1100

1100 1100 1100

1100 1100 1100



# VIGILANTISSIME P R Æ S V L



*Cum humiles ista thesae e tenebris excitata mo-  
veantur in lucem, ne violento cursui damnen-  
tar, sed ut recto tramite felicem exitum sortiri  
queant, non alium nisi te, Vigilantissime Prae-  
sul, velut optatum patrocini terminum adi-  
pisci festinant. Et sane ubi Palladis opera rudi licet edita  
delineamento locari debent; nisi tuis pedibus consecrata qui-  
escere, qui virtutum omnium dominaris in solio? nisi sedis  
sapientiae limine commorari, ubi te velut in debito throno  
defixis oculis omnes admirantur? Pisana en plausus Aca-  
demia spectatores hoc indicat invocando, tibi que dicans ce-  
leberrima iuvenum ingenia, scrutatorem divini Numinis te  
veneratur in cathedris. Et quem latet tanti dignitas He-  
rois in sede scientiarum constituti, si in ipsa Legales Celsi-  
tudines statutum honorant? Doctores ubicumque laureata  
praebent diademata? studys incumbentim cohors prona ve-  
nera-*

neratur obsequijs. Invidit merito horum felicitati *Gusmana Proles Religio*, quæ vi valida e cathedris supra regiminis candelabrum asportare conata ne tantum juvenum ingenijs, at Canobiorum incolis, prudentia veteranis, doctrina senioribus, in Provincijs, in Religione, in Ecclesiastica Præsulum Hierarchia fulgeres unanimi desiderio gubernationis sceptrum composuit in dextera; unanimi repetam desiderio, cum maxime consentaneum esset ab eo teneri regiminis clauum, a quo imperandi leges sciscitari petunt Dominatus, cui Heroum, Principum, maximorumque Ducum recta fident, & cordis, & Maiestatis consilia. Hac de re violentum esse meum quicumque motum putavi, nisi ad te patrocinatum agnoscerem, a quo *Dominicana Provincia* cursus omnes velut a motrice gubernantur intelligentia. In te inquam imbecillis tutamen ingenij non me latuit esse reperendum, ad cuius opem literariam literati confugiant, cui famulantur virtutis cultores, quem expetunt dignitates, futurique honores, quos gesta portendunt tibi flagitant adhibere. Raptus ergo humanitatis tua fragrantia, sectans sublimium ingeniorum vestigia in te solum velut optatum centrum intendentiæ requiem huic thesium motui concedere, ne deneges, obsecro, Accipe in parvo munere magnum, & vorantis animum, & animi laborem, hilari cultu respice donum ex parvo augendum in maximum, si fuerit ab animi tui benigna acceptione, tutoque patrocinio locupletatum, Vale.

is um de  
Paternit. tuæ Adm. Rev,

Humill., & Obsequentis. Servus ac fuditus  
F. Colinas Ioseph Chiocchetti.

CON-



# CONCLVSIONES

EX VNIVERSA

PHILOSOPHIA

EX LOGICA

L



Ræter logicam naturalem datur logica artificialis, quæ est scientia simpliciter speculativa, & similitudinariè practica, cum sit ars liberalis attingens instrumenta sciendi pro formali, siue ens rationis directi-  
um operationum intellectus, tanquam obiectum formale; Operationes vero ut dirigibiles, vel ut directas attingit ut obiectum materiale tantum, & dividitur in docentem, & utentem, non tanquam in duos habitus realiter distinctos, sed solum per rationem, nec dividitur in plures habitus partiales, sed est una simplex qualitas unius speciei athomæ.

A 3

Datur

## II.

Datur ens rationis, quod habet esse obiectivè tantum in intellectu, unde non consistit in pura extrinseca denominatione, nec in aggregato ex extremis realibus, & cognitione intellectus falso adunantis, sed in esse ficto, & impossibili, distincto ab omni possibili, cuius causa nec sunt sensus interni, vel externi, aut voluntas, sed solus humanus intellectus potens illud efficere per quamlibet sui operationem, non per omnem actum, sed solum per comparativum, sive directum, sive reflexum.

## III.

Datur natura universalis non tantum in voce, sed ex parte rei significatæ quæ est natura creata corporalis, & in triplici statu invenitur, solitudinis nempe, singularitatis, & abstractionis, in primo statu non est universalis formaliter, cum sit tantum una negativè, sicut nec in secundo statu, in quo nullam habet unitatem, sive aptitudinem, bene vero in tertio, in quo gaudet unitate & aptitudine positiva, qua propter in statu contractionis, seu a parte rei sicut non est una formaliter in pluribus individuis, ita non est distincta formaliter ex natura rei a sua singularitate, unde in creatis omnem distinctionem mediam denegamus.

## III.

Universale predicabile est unum positive aptum ut sit in multis, & de illis predicetur, in qua definitione definitum formale non est aggregatum ex natura, & secunda intentione, aut natura ut connotante secunda,

dam, intentionem, sed est secunda intentio ut connotans naturam, & dividitur in genus, speciem, differentiam, proprium, & accidens, quæ sunt species universalis & sub ipso continentur ut veræ, & propriæ species, & inter se specie distinguuntur penes diversum modum prædicandi.

V.

Prædicamenta sunt decem tantum, substantia scilicet, quantitas, qualitas, relatio, actio, passio, ubi, situs, quando, & habitus, quæ omnia sunt entia realia finita, creata, completa, incompleta, univoca, unde sub nullo prædicamento ponitur Deus, bene vero Christus Dominus ut homo ponitur in prædicamento substantiæ, quæ est quidditas, cui debetur esse per se. Quantitas est extensio partium in ordine ad se. Relatio est cuius torum esse est in ordine ad aliud non relatum, sed absolutum, sive sit relatio mutua, sive non mutua, distincta realiter entitative a fundamento & termino.

VI.

Demonstratio, vel est syllogismus constans ex veris, primis, immediatis, notioribus, prioribus, causisque, conclusionis, cuius præmissæ efficienter concurrant ad assensum conclusionis, & intellectum necessitant quo ad specificationem, non vero quo ad exercitium ad assentiendum conclusioni. Vel est syllogismus causans scientiam subalternantem, siue subalternatam quæ est vere, & propriè scientia quo ad substantiam, non vero quo ad statum in absentia subalternantis.



## I.

**P**hysica est una scientia specie athoma quoad omnem sui partem, cuius obiectum formale est tantum primum ens mobile radicale naturale, sive est ens naturale substantiale, quod non componitur ex athomis somnatis à quibusdam, qui dum toto conatu querunt experientiæ obedire ut rerum magistræ adstruunt athomos nullis experientijs, atque rationibus subiectas; unde omnes athomos denegamus, sicut & Archæum Magicum, & dicimus solum omnia componi ex materia, & forma, quæ sunt rerum omnium principia in factis esse.

## II.

Materia est pura potentia nullum habens actum sive entitativum, sive metaphysicum, aut existentialem, unde existit per existentiam formæ, sine qua nequit etiam de potentia Dei absoluta existere, consequenter cum ipsa sit incorruptibilis, & appetat semper sui conservationem, appetit etiam omnes formas substantiales quas potest habere appetitu desiderij, quas habet appetitu complacentiæ, quas vero habuit, nullo appetitu appetit: Forma substantialis est actus primus compositi, quod non distinguitur à partibus simul sumptis, & unitis.

## III.

Dux causæ creatæ eiusdem generis & ordinis nequeunt eundem effectum producere de potentia Dei absoluta,

ta, sicut nec elicere possunt operationes absque Dei concursu, tam si nullo, quam prævio; quæ proinde non sunt causæ instrumentales, nam causa instrumentalis non tantum indiget applicatione causæ principalis, sed ulterius sui uirtute, ut media illa possit effectum causare, & Deus suo concursu prævio solum applicat virtutem causæ creatæ ad elicendam actionem, quæ ut actio est semper est in agente.

#### IV.

Deus nequit inferre violentiam corporibus ut author universalis, bene vero ut author particularis; similiter non potest adaptare idem corpus in duobus locis, licet duo corpora accomodet in eodem loco; nec potest ponere in infinitum in actu secundum magnitudinem, multitudinem, & extensionem; licet detur infinitum in potentia ut est continuum, quod solis indivisibilibus non constat, nec naturaliter potest concedere vacuum Mundo, licet si daretur, in ipso dandus esset motus.

#### V.

Motus est actus entis in potentia prout in potentia, cuius unitas generica; & specifica ex unitate generica, vel speciifica termini ad quem desumitur; numerica vero ab unitate numerica mobilis, temporis, & termini desumitur, proindeque non potest esse ab æterno, sicut omnia alia successiva, licet permanentia possint esse. Talis motus in gravibus, & levibus provenit a generante ut a principio proximo, in viventibus vero a corde; vel a principio ipsis intrinseco.

EX

10  
EX LIBRIS DE GENERATIONE,  
ET CORRUPTIONE.

I.

**D**atur generatio substantialis viventium distincta ab alteratione, & est origo viventis à vivente coniuncto in similitudinem naturæ, cuius terminus totalis est compositum ut subsistens, partialis vero forma constitutiva rei genitæ, quæ ut introducatur in materia indiget præter dispositiones prævias dispositionibus concomitantibus effectivè à forma procedentibus, materialiter tamen, sive in genere causæ materialis præcedentibus.

II.

Corruptio est simpliciter naturalis, non tamen per se primo intenta à natura, sed solum secundario intenta, media qua resolvuntur omnia accidentia usque ad materiam primam, quorum subiectum non est sola materia, sed compositum ex materia, & forma, sicut & subiectum proprium nutritionis, & augmentationis est solum vivens, quod remanet idem toto tempore vitæ, etiam si toto tempore vitæ nutriatur, & augeatur.

III.

Datur raritas, & densitas, quæ sunt physicæ qualitates tertie speciei, sicut, & datur intensio qualitatum, quæ non fit per additionem partialis qualitatis, sed per maiorem radicationem in subiecto, quod cum de potentia

II.  
tentia obedientiali non habeat determinatam capacitatem ad ipsam recipiendam, nec etiam habet repugnantiam ut qualitas in ipso intendatur usque in infinitum sine categorematicè, unde nec implicat in ipso recipi duas qualitates plusquam in gradu octavo licet repugnet, quod ipsas naturaliter simul in gradu octavo recipiat.

IV.

Elementa sunt quatuor tantum, quæ remanent in mixto non per eminentialem continentiam suarum formarum, nec per hoc quod in ipso remaneat qualitas media, sed per hoc, quod eorum qualitates maneant ædem in specie ut elementorum virtutes, unde & quatuor sunt primæ qualitates, quarum singulæ elementis per se primo conveniunt, & in agendo repatiuntur.

EX LIBRIS DE ANIMA.

I.

**A**nima est actus primus corporis physici organici potentia vitam habentis, vel est id quo vivimus, mus, sentimus, loco movemur, & intelligimus primo, & est triplex vegetativa scilicet, sensitiva & rationalis, & anima superior eminenter formaliter continet inferiores, quæ in animalibus perfectis sunt indivisibiles, divisibiles in imperfectis, unde ab ipsis omnes corporis partes informantur sicut & sanguis, alijque humores, spiritusque vitales, & animales.

Ani-

## II.

Anima vegetativa tribus gaudet potentijs, nempe, nutritiva, augmentativa, & generativa. Anima sensitiva quinque sensibus externis, qui non sentiunt sensibile immediate sibi supra positum, & vehementi sensibili leduntur, & quatuor sensibus internis. anima autem rationalis solum tribus potentijs gaudet, quæ realiter ab ipsis distinguuntur ne substantia sit immediate operativa.

## III.

Aima rationalis est immortalis, per se subsistens, & spiritalis, licet sit forma corporis, sicut & intellectus, voluntas, & memoria; quæ ut cognoscant indigent speciebus obiectorum suorum quæ sunt entia creata, finita, & iste potentia inveniuntur in anima rationali, etiam dum est a corpore separata.

## L A V S D E O.

---

Defensabuntur publice in Ecclesia Sanctæ Mariæ Novelle de Florentia ab eo qui supra F. Cosmas Ioseph Chiochetti Lucensis Ordinis Predicatorum.

Anno MDCCI. Mense

Die

Hora